


登件番號

No. 2274



神池縣志卷之七

名宦



05144

金

康公弼守伯廸宛平人以進士為寧遠令邑中隕  
霜殺禾稼漕司督賦急繫人於獄公弼上書朝  
廷乃釋之因免邑中租賦

明

孫吳初名國寶祖玘世為江南當塗人世襲百戶  
父傑以功授老營正千戶因遂家焉吳本將種

山西省圖書館  
地方文獻

又世官邊陲生而倜儻材武絕倫嘉靖二十五年丙午以武畧舉次年會試登進士第任廣武守備署指揮簽事隨巡撫趙孔昭追賊於代州十里鋪斬七級撫按上其功奉

旨賞銀幣賜名吳又余襲正千戶授利民叅將四十四年擢都督僉事為協守老營副總兵官吳以老營地當絕塞屢經大敵乃大修城垣守禦之具畢備且請建立學校暇則解纆鞭而講藝軍士皆有勇知方北夷入寇斬首十二級奪獲夷

馬一百八十餘匹明年秋七月權為大同總兵紀世楹榆林人任偏關副總兵正德十六年逐套部之入犯利民者戰於塞外大勝而返

周應岐嘉靖間任利民守備幫築城垣敵台增置邊土堡捍衛民命走行之日民有歌廉借寇之謠攀轅卧輒之留

計安國清泉人萬曆間任利民叅將開車途通朔粟創社學立保甲每值大旱披髮徒屣為民禱雨民思其德有感激泣下者

國朝

李識蒙河南夏邑人乾隆三年以歲貢蒞任神池相傳公善政感人民不忍忘私為公建功德生祠公力拒之既聞民已相土盃室乃因其地為義學並塑 呂祖像於中堂令不得變義學在城西北隅

周文權

名進士也乾隆間奉

勅守茲土蒞

任後以培養士氣為首務創立觀華書院事雖未終而心亦良苦矣公固善書法邑中多墨痕

筆蹟然題咏皆理學名言蓋程朱非特鄒枚紀冠軍山東登州人嘉慶間以進士為神池營都司僉書善技勇嫻陣法勤於教戰主令數年 行陳肅然至今公故兵丁猶多為營伍教習後遷某省叅將出征遂從難

人物

北周

雷紹字道宗武川鎮人有膂力善騎射年十八至洛陽見京都禮儀之美嘆曰徒知邊備尚武不謂文學身之寶也遂辭母求師通孝經論語還鄉里躬耕養母由是知名召補鎮佐賀拔岳以為長史事必訪而後行嘗勸岳迎孝武西都長安及勿與侯莫陳悅歟暉岳不從作亂果及於難紹乃與寇洛等迎周文帝

悅平為渭州刺史卒

王勒字醜與其光樂浪人祖罷遷武川勒年十七從周文入關平秦隴定關中拜散騎常侍梁甫縣公沙苑之役勒領禁兵被傷卒於行間周文深悼贈太尉尚書令諡忠武

隋

李虎隴西成紀人祖熙戍武川因家焉官至太尉與李弼等八人伍周皆為柱國號八柱國後錄功封唐國公諡襄子昺生淵於長安即唐高祖

侯莫陳穎字遵道武川人少有器量魏大統末累遷瀛州刺史有惠政百姓立碑頌德仁壽中徵拜桂州總管大崇恩信人民悅服卒諡白定

獨孤信雲中人祖侯泥鎮武川因家焉信美容儀善騎射正光末為新野守政術並美魏孝武景遷單騎及於瀧澗拜荊州刺史後拜秦州刺史示禮教勸耕桑周文以其信著遐邇賜名信為晉公護逼令自盡隋初追封趙國公諡曰景

龔世高本邑虎北寨樺林坡村人少未學性至孝母病私祝於神曰若得母疾瘳願以身代既而母疾果愈高亦無恙自念貧無以報神因許宿壇三載持齋終身及母卒事繼母亦如之今修志里人文口以薦因表而出之以冀永錫爾類焉

國朝

烈女

汪氏者白孝進婦也自歸白氏時孝進即以宿疾困不能起坐而貧復繼之若是者二十年汪安於其命未嘗少形怒恨日磨麥給食孝進死取一歲姪孫應惠為子汪長養之至雍正八年壽八十餘矣縣令表其賢以風邑人

生員李茂生女繼室於武氏其夫曰名臣者與婿載而死李生子彌月其年僅二十耳然不

神池縣志 卷八  
嫁也名臣前時婦有子尚幼李加愛憐焉守節凡四十年

李奇福妻劉氏

任進德妻李氏

宮如勳妻侯氏

尹騰富妻張氏

生李培生妻張氏

周位妻宋氏神池人謂宋氏與培生妻行可敬也奇福妻旌於雍正十二年其餘貞白自守

者復有

李奇魁妻田氏

蔡國元妻吉氏

劉世業妻馬氏

高應順妻殷氏

楊樸妻郭氏

宋連妻余氏

監生郭鞏都妻楊氏

庠生柴杰妻卜氏

丁成恩妻李氏

胡王喜妻杜氏

張玉鏘妻丁氏

張漢圖妻周氏丁氏守節四十二年周氏守節三

十一年並其可風民俗者

諸生宮音聲妻周氏早寡隣婦有以非議進者拒  
之不與往來子苞恩貢生孫拔貢爾安妻王氏  
亦以節旌子銘庠生

生員賈盛德妻宮氏與四姪均分財產子樹勳

歲貢生張經正妻勾氏夫歿典衣易棺以葬食貧  
守志

廩生張适繼妻宮氏肇開織紡之風子宗文庠生  
黃開元妻金氏姑冬月病思瓜求弗得後見瓜輒  
墮淚終身不食遺復子纘憲廩貢生

張鳳儀妻余氏家貧子幼宗黨或憐而周之曰饑  
寒庶望有成諸公能以正教吾兒寡婦受賜多  
矣子存道存學皆庠生

李祥文妻韓氏



丁桂林妻王氏子善嗣庠生

諸生郭鹿鳴繼妻尉氏二十二而寡子桂郡庠生

增生李芳園妻馮氏甘貧守志撫孤成家子例貢生峻

德孫長榮侯銓訓導長滋廩生同治元年

旌表

增生宮孔憲繼妻譚氏

文生滕克詔妻陳氏

國學宮維藩妻劉氏俱旌於同治元年

廩生劉鳴盛妻何氏二十八歲夫故守節子早逝

慟夫哭泣雙目俱盲二十餘年孫太學生維德

與妻李氏事祖母克盡內則毫不倦怠曾孫翰

瀛廩生同治五年旌

石有俊妻李氏

武生侯尚質妻王氏

武生韓光前妻溫氏

附生李東曦妻熊氏俱旌於同治五年

宮以南妻張氏

附貢黃鑽憲妻武氏

側室趙氏

郭在富妻張氏

柴有寶妻余氏

庠生馬鍾奇妻賈氏

王顯妻高氏

例貢張敏中繼妻李氏

張俊儒妻章氏

庠生陳玷妻郝氏

張時中妻趙氏

陳開妻王氏

陳恒妻支氏

庠生宮樹槐側室鄭氏

黃景憲妻蕭氏

武生陳之情妻侯氏

貢生宮觀妻蔡氏

黃世發妻李氏

毛裁基妻邱氏

韓恒妻苗氏

賈三偉妻張氏

文生宮世隆妻朱氏

武生劉天職妻王氏

馮光成妻張氏

劉開基妻宮氏俱旌於同治五年

庠生李四達妻王氏矢志守明大義有婦德同治七年旌

庠生張璟妻宮氏

武舉張宗齡妻王氏

增生宮孔惠側室谷氏

庠生丁善嗣妻任俱旌於同治十三年

武舉宮鏗妻張氏

歲貢生宮鏗妻張氏

拔貢生宮爾安側室趙氏俱旌於光緒元年

馮昌之妻張氏二十三歲夫故守節三十二年子

恒仁奉旌

楊氏者吳茂祥之妻也居吳家西溝村人揚馬漢子見其美欲辱之氏大怒詈楊楊忿而殺之事

聞楊處新建坊以旌氏坊建八角堡西街

嘉慶五年神池縣正堂袁蒙 撫院准 禮部咨

儀制司案呈由刑科抄出會看神池縣民

楊馬漢子

因強姦不從扎傷吳茂祥之妻楊氏身死 一案

楊氏強姦不從致被慘殺貞節可嘉附請

旌表以維風化等語應候 命下之日本部行文照

例辦理等因奉

旨楊馬漢子 著即處斬餘依議欽此查定例凡婦女

強姦不從致死者 旌表今楊氏因強姦不從

致被慘殺洵屬節烈應請 旌表之處既據刑

部移咨本部該 撫照例轉飭該地方官給銀

三十兩聽本家自行建坊其該節孝祠內牌位

定例遵行

庠生郭鹿鳴之妻蔚氏二十一歲夫故堅貞守節

年七十九而卒生前業已旌表

田利益之妻張氏咸豐九年請旌

待旌

武生馮希仲妻安氏現年七十八歲守節五十年

子二體 舒昇

張清儒妻周氏二十四歲夫故守節三十一年

羅存善妻徐氏二十五歲夫故守節三十六年

郭芝銀妻張氏二十二歲夫故守節三十八年

陳文斗妻張氏二十歲夫故守節三十七年

庠生丁善述妻劉氏二十七歲夫故守節三十三年

韓富妻吳氏三十二歲夫故守節四十三年

文生丁善言妻王氏三十二歲夫故守節三十五年

程達道妻張氏二十八歲夫故家甚貧糟糠度日

矢志靡他上事翁姑下撫孤子守節三十五年

李攀陽之妻葛氏二十二歲夫故子幼失明氏堅

貞守節艱苦備嘗親事舅姑時年四十五歲其

子右目漸明鄉閭稱之以為節孝所感

王白饒之妻劉氏二十八歲夫故堅貞守節家貧

親老辛苦堪誇事姑孝氏年四十七歲卒鄉里

咸稱焉

增生郭桐之妻滕氏二十五歲夫死守義秉性幽

閒行止貞靜數十年門庭肅穆鄉族皆稱贊焉

時年五十八歲

劉長齡之妻楊氏二十七歲夫亾事孀母無失婦  
道俯二子備嘗艱苦堅貞守節邑人咸欽服焉  
谷二仁子妻姜氏二十七歲夫故守節二十七年  
趙六德妻李氏二十六歲夫故守節三十六年  
黃文魁妻劉氏二十七歲夫故守節四十七年  
張衡中妻劉氏十九歲守節現年五十一歲  
孫福妻楊氏二十七歲守節卒年六十五歲  
孫尚仁妻張氏二十三歲守節卒年五十五歲  
成益士妻張氏二十一歲守節現年四十一歲

蔡懷義妻李氏二十八歲守節現年五十一歲  
王名卿妻劉氏二十九歲守節現年五十九歲  
廩生劉月嘉妻唐氏二十九歲守節現年四十九歲  
劉毓璜妻宮氏二十四歲守節現年五十三歲  
賀維垣妻張氏二十七歲守節現年四十八歲  
監生張愷妻秦唐氏二十四歲守節現年四十九歲  
庠生王德先妻趙氏二十九歲守節現年五十歲  
徐九萬妻王氏二十八歲守節現年六十六歲  
王有祿妻趙氏二十六歲守節現年六十三歲

武生詹士衡妻宮氏三十歲守節

信秉真之妻杜氏節烈非常夫早亡遺子三氏教之甚嚴里中有女丈夫之稱學使旌其門曰貞心霜雪且准題請

谷大有之妻吳氏事姑至孝姑恒不嗜膾及姑歿每設奠必致素齋終身不改中年夫亡守節二十餘年卒朱學士給匾嘉獎且准題請焉

張翔麟之妻趙氏年廿九夫亡堅貞守節金石不渝現年六十九歲朱學使給匾嘉獎且准題請焉

神池縣志卷之八

壇廟

社稷壇 在西門外

風雲雷雨山川壇 在南關

先農壇 在東門外

厲壇 在西門外

文廟 在城北見學校

文昌祠 在城北明察院署廢址知縣李識蒙於其中以設義倉今并常平倉

天主廟 在城北

火神廟 在城北

送子娘娘廟 在北

觀音廟

在娘娘廟院內

眼光廟

城隍廟 在城北

真武廟 在城北

三官廟

在城西北

千佛殿

龍王宮 在城北

古關帝廟 在城西北二五八月祭祀

馬王廟 在城西五道街

財神廟 在城西道街

大寺廟 在城西四道街

地藏十王殿

五嶽殿

牛王閣

自來佛

神農殿



文昌閣 以上俱在大寺院內

觀音廟 在城南頭道街

老君廟 在南城門內

藥王廟 在真武廟西

呂祖廟 在真武廟東

舊呂祖廟 在義學內

玄天閣 在南城外

春秋樓 在玄天閣南

關帝廟 在玄天閣東

龍泉寺 在城外東北

清泉寺 在城外東南

利民堡

祠廟

城隍廟

真武廟

地藏殿

神應寺

火神廟

玉皇閣

文昌閣

關帝廟

古龍泉寺

奎魁閣

三聖祠

文垣閣

財神廟

馬王廟

千佛殿

聖母廟

保嗣宮

鎮邊寺

白雲寺

八角堡

祠廟

玉皇閣

真武廟

城隍廟

關帝廟

文昌祠

十王殿

聖母廟

羅漢廟

奎星閣

興華寺

朝陽閣

龍王廟

財神廟

四聖祠

八龍王廟

古蹟

郡志神池古蹟新城謂齊神武送蘭陵公主處隋末劉武周據此後唐李克用生神武川之新城亦即此考唐書及五代史並云沙陀朱邪執宜降唐唐居之鹽州後范希朝鎮河東詔執宜從之希朝居執宜於定襄神武之新城夫唐初置定襄縣屬雲州雲中都則今大同府地何緣指為神池又有黃花堆欲以今黃華嶺當之謂唐元和中朱邪執宜保神武之黃花堆即此不知

齊州縣志 卷之七  
執宜所保正元魏猗盧築城處所云澠水之陽  
黃瓜堆者正在雲中五代史所載其地正合而  
劉武周所據與高歡送公主處並在是所也

神池古 縣東西蹟微存

桑乾故郡隋志鄯陽縣有後魏桑乾郡後齊置朔  
州遼志齊天保六年置朔州在今州南四十七  
里新城

姜女石縣西三里度盈畝中有石窟旁有女子足  
跡相傳孟姜女坐哭於此窟有泉石名姜女井  
郡志今山海關有姜女祠此復有足跡大抵皆  
齊東野語耳彼亦未知所謂姜女者之果有是  
人否也

輓轡窰在八角堡五十里山間有洞勢若天啓戶  
關山腰莫能攀躋洞口懸輓轡一可挽以登不  
知何時所製入洞中平坦深廣可坐萬人牀几  
杵竈宛然具在

鐵爐縣西五里相傳尉遲敬造鎧甲於此


利民古蹟

舊城一在城南十里達沐河西一在城西南五里  
廢址微存

海濤松在舊叅將署內高十餘丈徑數十圍條幹

蘇州府志 卷八  
九  
聳直枝葉異常冬夏結實形似羊棗圓而長時  
有奇鳥異禽旋繞其上觸風有韻遠達數里聞  
之若海濤湧泛淘淘不絕俗名海濤松





登件番號

No. 2274

神池縣志卷之九

風俗

神邑地處偏隅風俗與府治不甚相遠舉其美者士人不奔競干謁閭里無豪使亡命小民稼穡之外或事商賈不習方伎不尚淫巧不競繁華不剃度為僧道婚姻論門第不論財帛喪遵家禮亦有作佛事者安葬必求堪輿擇地於出殯之前一日行家祭禮士大夫三獻農家一奠酒醴粢盛必欲豐備忠厚之風似為近古然美惡難齊瑕瑜不掩村



落之民不知尚學甚至有終身不識丁者其服飾無定式裳衣之上下巾髻之高低近年來凡數變而甚不衷者以市井而用冠裳以役皂而曳朝履服衰經之子儼然登燕笑之堂易而不戚又胡可訓也先正謂修郡邑之志當宗風俗蓋以風俗為元氣元氣固則衆蠹不生不然淪胥愈甚安所底止也

歲序附

立春前一日有司迎勾芒神與土牛於東郊里市各扮故事表曰慶豐年是日民之男婦携兒女看春俟土牛過各以豆撒之謂之撒疹立春日有司祀芒神鞭土牛畢民爭取土塊歸置牲圈取畜養繁息意

元旦焚香祀天地祖宗躋堂慶賀老幼各拜尊長各邀親族會飲屠蘇

五日掃門庭塵垢棄之街頭以送五窮

十四日始燈十五日正燈十六日罷燈各街巷口搭松枝牌樓燈籠火籠軍民各扮秧歌道情龍燈等

戲歡歌行游通霄不寐以依古鄉儼意

二月二日 文昌帝君之誕紳士獻戲三天官司俱往焚香是日也闔邑人民於天明時去龍泉挑水曰引錢龍小兒爭相剃頭曰安龍角

三月清明日祭祖於墓芟除荆棘士女則競鞦韆為戲

四月十八日娘娘廟獻戲三天村城人民各携兒女敬香紙還愿

五月五日食角黍飲雄黃酒以祛毒兒女以五色綫綰赤靈符佩之 城隍廟 龍王廟各獻女戲三天商賈雲集少長咸至男女看戲者車以百輛計六月六日曝 帙衣服即貧寒亦曬布絮初八日龍泉寺會二十四日 清泉寺會男女赴會者車亦百數輛

七月七日 奎星誕辰士皆會祭是夕幼女皆設瓜果穿針乞巧

八月中秋士民皆以瓜蒔梨棗月餅餽送夜則設酒賞月婦女亦有家宴以永茲夕雖貧無不食西瓜

以慶賀會焉

九月九日親友以米糕相送登高飲菊花酒

十月朔祀祖於墓焚紙錢銀錠亦如清明日

十一月冬至祭先於祠無祠者備物家祭

十二月初八日作臘八粥以餘者餒花木祈其茂也

二十三日祀皂設飴自此至年姻亞賀節餽送食

物互相往來

除日易茱符放爆竹作歲飯薦先子弟拜父兄行辭  
歲禮置酒歡飲達旦以守歲迎新焉

附錄竹枝詞

廩生 宮林鍾

繞過新年五日中紙裁人樣剪刀工掃除舍榻無多  
土直向街前去送窮

城鄉不吝出餘糧捏馬巫神散獨忙又有爐灰畱作

窖新年廿日過天倉

邊闕二月正勤農誰料愚氓欲素封父老清晨忙挑

水家家都為引錢龍

隄邊細柳賴春生詎料頑童乎自擊園个圈兒頭上

戴只因來日過清明

四月中旬演劇場阿婆最喜計兒郎稚童雲集爭趨  
拜出痘曾焚了願香

望日纔分巧月辰墳前化紙起烟塵荒唐驚說隋麻  
稽惹得吾鄉送麩人

賞月樓頭各秉虔中秋瓜果當綺筵紅綾美餅分如  
許最喜兒孫繞膝前

賞菊重陽快稱毫菜萸勝會賦登高興來不避劉郎  
諱直向庖厨要米糕

朔日輪迴十月天掃墓拜墳各依然女郎癡性真堪

笑十字街前哭祖先

堂前酒饌變時變知是陽生祭乃宗整飾衣冠皆聚  
積都云此日拜新冬

紛紛棗米豆成湯此粥調和異味香留得佳名傳臘  
八殘膏給與衆花嘗

纔嘗除夕慶家筵比戶忙穿壓歲錢爆竹一聲齊帶  
笑定知來日是新年

物產附

穀屬

莠麥 有大小二種似麥而微長種百畝者即居  
其半不論貧富家食之。按字書無此字俗讀  
油或曰其形似麥故謂之猶麥則莠字當以猶  
代之未詳

穀 粟米之連穀者為穀本五穀之中一梁屬也  
北方直名之曰穀今因之脫穀則為粟米亦曰

小米

麥 詩貽我來牟來即稜今之小麥也韻會爾雅  
翼曰麥者接絕續乏之穀前先熟

白蒿 名萎蒿詩子以采繁采繁祁祁食野之蒿  
繁 蒿凡艾白色為萎蒿即令白蒿也春始生  
及秋可食土人遇荒年可以濟飢

黍 黍暑也當暑而生暑盡而獲刈後乘濕即打  
則稗易脫遲則稗着粒上難脫盡秋熟故庶人  
薦黍焉

大豆 詩七烹葵及菽之荏菽大豆菽也有大小  
二種粥麩皆可用又可炒食

扁豆 一株十數莢花白色莢形或長或圓每莢  
子或一或性微微涼作粉極佳

豌豆 苗生柔弱宛宛然故名一名畢豆一名胡  
豆農書云俗呼豌豆齊桓公伐山戎以戎菽遍  
布天下太平御覽百穀之中最為先熟土人多  
種以啖驢羸又作麩食

黑豆 豆者莢穀之總也大者皆謂之菽小者皆  
謂之荅葉謂之藿紫小者為雄豆入葯良大者



止可食用作醬作腐極佳

麻子 一名火麻雄者名稟雌者苴詩九月菽苴  
苴麻子也喪服註云苴麻子有寔者莖高四五  
尺葉如益母草其穉白而有稜土人可皮作麻  
或打繩索以莖蘸硫黃煨燈引火

草麥 一名牟爾雅翼曰麩者后稷所受瑞麥來  
牟也即今草麥其葉可為餲又可為醋邑中向  
向全不產邇來陽光回北溼地頗有種者湯火  
燒灼大麥炒黑研末香油調擦

胡麻 子肥大其色紫黑土人所以榨油最多古  
者中國止有大麻張騫始自大宛得油麻種來  
故來胡麻。邑中產者不若五寨多佳甚之

蕎麥 其寔三稜煮熟舂取米可作飯磨為麩滑  
膩亞于麥麩出利民者尤良脾胃虛弱者不宜  
多食壁虱蜈蚣蕎麥穉作苻并燒煙薰之。蕎  
麥皮綠豆黑豆皮菊花決明同作枕至老明日  
謂之目枕

菜屬

葱 葱涼處末禮記一名菜伯曲禮一名和事草

初生曰葱針葉曰葱青衣曰葱袍莖曰葱白○

新葱糠大煨熟剥其皮中有白罨金瘡損處冷

即易之又葱白連葉煨熟或炒熟搗爛敷上冷

即易之縱血淋漓立時血住疼止翌日見水亦

無痕跡○陰毒腸痛欲○唇青印縮六脉欲絕

用葱一束去根及青白二寸許烘熟安臍上以

熨斗熨之葱壞則易熟○透入手足温有許即

癩乃服四湯不溫者不治。小便閉脹不治殺  
人葱白三斤剉炒帕盛二個互熨小腸透即通  
蔓菁 一名蕪菁亦芥屬其子均圓似芥子而紫  
赤色亦可打油。諸葛武侯行兵所止令軍士  
獨種蔓菁蜀人重之名諸葛菜。二便閉格脈  
悶欲死蔓菁子油一合空心服即通通後汗出  
勿怪

白菜 一名菘無係者佳醉不醒白菜子二合油  
研井花水調服 邑不多產

蘿蔔 一名萊菔有赤白種。鄭居易言其家自  
先世多留帶釜蘿蔔懸簷下有十餘年者每至  
夏炆有痂痢煮水服愈久愈妙。鼻衄不止蘿  
蔔搗汁半杯入酒許熱服并以汁注中良。失  
音不語蘿蔔搗汁合姜即服所產不若甯武多  
胡蘿蔔 有紅黃二種元時來自膚中故名土人  
用鹽出以脩冬菜

壺蘆 詩八月斷壺幽風蔓生莖長大小數種

蕨菜 詩言采其蕨生山中作蔬味甘滑

蒜 卯蒜也俗謂之小蒜有紫白皮二種葷菜張  
騫侯西域得其種歸

菠菜 一名波斯草一名鸚鵡菜一名赤根菜出  
西域頗陵國今訛為菠薐蓋頗陵之轉音也東  
坡句北方苦寒今正酷雪底菠薐如鉄甲性冷  
能解酒毒邑產不若甯武多

黃瓜 一名胡瓜張騫使西域得種故名除臧器  
曰北人避石勒諱改呼黃瓜杜室拾遺錄隋大  
業四年避諱改胡瓜如欲久留用淋過灰晒乾

至冬如新。邑產不若五寨多

菘蓬 一名恭菜高一二尺有細稜

苦菜 亦名苦苣月令。夏苦菜詩莖茶飴

芥菜 芥極多心嫩者為芥籃最脆美東坡詩芥  
籃如茵葷脆美牙齒响土人之以備冬用

蘑菇 菌也南山中多有之為類亦夥其佳者亞  
於蒙古

蓮豆角 蔓生五月六月間開紫花如蛾形結莢  
長者近三四寸可煮食

地皮菜 一名地輦 一名地耳狀如木耳春夏雨  
後生地澤間土人採之以為食

木屬

松 百木之長猶公故字從公詩松栢斯克三針  
者為栢子松七針者為果松。刺入肉不瘥松  
脂敷上以綿裏之三五 當有根出

栢 一名栢松齊壽有扁栢唯扁栢為管故園林  
多植之凡木皆屬陽而栢向陰指西蓋木之有  
貞德者故字從栢又因其葉側白而生又名側  
栢

杆 南山中多有之俗謂之山塲性耐寒其樹大

可為棺槨及樑柱檀椽等物

榆 莢生青熟白形圓如小錢故又名曰榆錢○  
火灼爛瘡榆白皮嚼塗之癰疽發背榆白皮搗  
和香調之留眼出○燥則以茶潤之不粘更換  
新者將愈以桑葉嚼爛隨大小貼之合口乃止  
神效

柳 詩有莞者柳○鳳州境內生柳翠色可愛與  
他處不同明一統志宋元豐間有方下鳳州取  
金絲柳一百根

楊 葉尖圓如杏枝頗勁微風來則葉皆動其聲  
蕭瑟懸筍瓊探按楊與柳自是二物柳枝長脆  
狹長楊枝短硬葉圍潤迥不相侔而諸家多將  
楊柳混稱甚稱至為一物緣南方無楊故也  
榛 詩榛拮濟濟又樹之榛栗寔似栗而尖小味  
甘左傳女贄不過榛栗棗修以告虔也

櫻桃 生青熟紅深紅者為朱櫻紫色者為紫櫻  
核大內薄者○密味甘美難得一名含桃春秋

云鶯鳥所含故曰含桃上林賦註

樺

芍藥

芍藥 猶綽約美好貌一名將離一名梵香花有紅黃白紫數色黃者為管白者名芍藥赤者名赤芍其根可為藥材無謂花相東坡又名其白者為玉盤盃。魚骨哽咽白芍嚼細嚥汁。金瘡出血白芍一两炒為末或酒或米湯飲服二

錢

鳳仙花

一名小莢紅宋時避李后諱呼為好女

兒花又名金鳳花指甲花以花可染指甲繕名

海納是也莖有紅白二色或紅黃白紫粉及雜色其類有十數種骨哽金鳳仙花根搗爛噙嚙骨自下雞骨尤效即以溫水嗽口免捐齒打杖腫痛鳳仙花葉搗如泥塗腫破處乾則其上一夜血散自愈冬月收取乾者研末水和塗之  
葵花 花黃色高丈餘一名九燈連花早朝東晚向西子可食唐詩惟有葵花向日傾  
無花果 不花而寔出枝間甘可食

禽屬

春鵲 詩維鵲有巢鄭箋鵲之作巢冬至架之至春乃成集傳鵲善為巢其巢最為完固

鷄 大如鷄雛頭細而無尾毛夜則羣飛晝則草伏人取之畜令鬪搏

鷓 禮記鄭元註一名鴛本草綱目以鷓為鴛與鷓相似無班者為鷓

鴨 周禮春官庶人執鴛曲禮孔疏家鴨曰鴛上

林賦註

郭璞曰鴛鴨屬也



周禮春官工商執鷄 周禮鷄人掌共鷄牲  
辨其物大祭祀夜呼旦以詔百官

獸屬

馬 詩有馬白顛駟 駟孔阜駕我騏驎 駟是中  
駟驪是驂 集傳白顛額有白毛今謂之的顛駟  
駟四馬皆黑色如鐵也左足白曰昉赤馬黑鬣  
曰駟黃馬黑喙曰駟驪黑色也

牛 詩誰謂爾無牛又爾牛來思其耳涇涇又維  
羊維牛土人用之以駕車耕地

羸 駃騠驢羸 上林賦 字彙驢父而馬母邑人多

畜之

廩  
卷九  
驢 太武將北征發民驢以運糧今農家處處養  
之

豕 詩壹發五豕壹發五豨言私其豨斲於公豕  
北曰縱毛傳縱一歲豕斲三歲豕未未集註豬  
天下畜之而各有不同

羊 詩羔羊之皮又曰殺羔羊小曰羔大曰土人  
養之每家不下數百其毛堅厚取皮為衣冬深  
禦寒

狐 詩錦衣狐裘又有芄者狐集傳狐者妖媚之  
獸其毛深厚溫滑可為裘服

兔 詩肅肅兔置又有兔斯首炮之燔之  
鼠 詩誰謂鼠無牙又穹窒熏鼠常物也有黃鼠  
班鼠灰鼠等之各有不同肉最美皮可服

葯屬

百合 幹粗如箭四面有葉開紅白花根大如蒜  
採根食之益氣

甘草 春生青苗高一二尺葉如槐葉七月開紫  
花似柰冬結寔作角子如畢豆

黃耆 生利民者良味甘性溫無汗能發有汗能  
收

益母草 味辛微苦寒五月五日或六月六日採

莖枝去花煮之以備葯用

艾 性溫初春布地生苗莖類蒿葉似山柳處處  
有之初伏採之以入藥灸用之

枸杞 性溫味甘季春生芽葉似小柳花赤紫色  
黃心花落子寔初綠後紅入藥良用有刺者煮  
酒用根洗陰寒

山大黃 性寒味苦葉大如蕉四面有葉南山多  
產之治馬藏熱良

蓼 性寒味苦九根者良南山多產之煎湯服  
之能治喉火

黃精 俗名瞎狗服之能延年益壽

茵陳 初生之三月故名入酒良療馬集謂之茵  
陳散

欵冬花 三冬開花凍地裂處多有之處花黃色入  
藥良

車前子 一名茺菑煎服之利小便

王不留 形類胡麻服之下乳

蒼朮 黑色除邪風止瘟疫

貨屬

木炭 山民雜木作薪燒炭以資衣服深冬燃之以禦寒

石炭 有大小窰炭大窰炭一塊至百餘觔

油 註詳胡麻

粉麩 註詳扁豆

事考

隋

劉武周建都於此

北魏

顯祖皇興元年八月幸武州山

高祖延興元年五月幸武州山

太和元年四月乙酉車駕祈雨於武州山澍雨大決  
六年三月幸武州山賜貧者衣服

八年六月武州水壞民廬舍

宋

欽宗靖康元年三月夏人襲取武州後金復取之

重熙九年置武州

興定三年元兵克武州軍事判官郭秀死之

貞祐三年二月改甯邊州隸嵐州十二月徙武朔民  
分屯嵐石等州時武州殘毀刺史楊沃入州甫二  
月元兵來攻二十六日夜不能拔力退既而金人  
知武州不可守乃令沃遷其軍民於岢嵐

金

邑中隕霜殺禾稼漕司督賦急繫人於獄 遠令康  
公弼上書朝廷乃釋之因免邑中租賦

元

至元二年於武州置司侯司

世祖中統四年四月十七日武州隕霜殺稼

英宗至治元年武州雨雹害稼

四年武州雹害稼

順帝二十四年七月右丞魏賽因不花討字羅五月

克武州

明

太祖洪武二年都督汪興祖等取武朔二州禽元知院馬廣等六百二十四人

三年五月元宗室四大王結砮岢嵐山中來寇武州太原指揮程貴等敗之追至龍尾灣四大王遁禽其三大王猷京師

六年元故將以兵犯武州朔州大將軍徐達使郭子興等禦却之

正德八年六月偏頭窰武八角雨魚大者至三尺許十六年副總兵紀世楹遂套部之入犯利民堡者戰於塞外大勝而返

嘉靖八年十月俺答入寇至土棚堡副總兵李瑾與戰劉海庄不利乃與游兵合營而進俺答遁走十八年巡撫陳講築長城起陽方口至八角堡斬崖為墻凡一百八十里復築神池利民二城

二十三年都御史會銑增築邊墻北自利民南至王野梁一百八十里

三十一年岢嵐神池地震俺答犯三關總兵掠至



八角堡巡撫趙時春禦之戰於大虫嶺總兵李  
涑死焉明年入犯得勝堡至神池

三十四年套部由莪麥川入掠利民南至興嵐  
三十九年俺答寇大同遂至甯武為燒盤道梁由  
羊川坡踰夾柳樹狗兒澗長驅圍甯武關總王  
懷邦不敢戰棄馬千匹以啖寇而急趨太原聲  
言繞其前竇避之也俺答遂掠攻神池

四十三年寇由水泉口犯偏關大掠八角神池五  
寨至岢嵐

萬曆二十九年山西諸衛旱七月隕霜殺禾靜樂神  
池皆大饑詔免秋稅

四十六年偏關神池同日大震

崇禎十七年李自成攻破甯武餘兵越黃花嶺欲掠  
神池遙望 關帝立馬城頭驚拜而返邑人於城  
之東北隅建 關帝祠其神則立馬像也廟中碑  
詞如此

國朝

道光十二年蝗蔽日是年閭邑大饑富紳宮孔彥日

極神傷稟請邑侯凌宇班捐粟普濟事聞題請直隸州知州加二級紀錄一次

十二年八角一帶恒暘殺稼本堡紳士郭儀鳴捐粟濟之堡中有施濟碑

同治七年提督張曜率兵過境值天大寒兵半潰肆掠縣中受害者數十村事上聞中丞鄭敦謹給銀賑撫之

十年七月大雨七日乃止禾生耳民屋半壞利民有山崩之異

光緒元年四月二十七日大雪是年歲頗熟

三年大旱歲不及三分民多流亡邑宰田金峯捐銀二百兩復捐紳商之稍裕者賑之

四年朔州教匪能六盤距甯武之上白泉村邑令田金峯奉郡守郝重慶檄飭防守遂移會署守備張銳撥兵上城並令典史吳壽昌協同紳耆招募勇丁日夜登陴以防不測未幾而

宮保曾大中丞連夜飭省兵速來並飛檄密授兵機而葛鎮軍奉令勦滅賊遂平方賊之初熾也聲言

十一日攻盤道梁十四日攻陽方口十七日則攻神池矣既而十一日果取盤道梁果十四日又掠陽方口邑人大恐懼其十七日之果至也官紳不時撫慰躬先倡率且令登陴民勇各書姓字於女牆堵口毋得互相遷徙更將營庫內佛即機永平諸砲設於要害之處每砲給習於火砲者數人守之先使精細兵丁暗帶火器伏於險狹俟賊至受砲之處舉火為號守砲者便放砲矣其他防守之法大都類此然而十五日葛鎮軍兵至是夜直驅

巢穴賊已勦平矣是亂也甯武朔州神池均係接壤之地惟神池獨稱完善及賊之既滅大軍搜得名簿籍蓋神池實無竄入之人也

